



«Ծիածան» առաջնորդների կրթական կենտրոն ՀԿ

«Նախադպրոցական կրթության այլընտրանքային, ծախսարդյունավետ մոդելների ներդրում, մշտադիտարկում Կապան համայնքում» ծրագիր

Առաջարկություններ Կապան համայնքի 2018-2023թթ. հնգամյա զարգացման ծրագրում նախադպրոցական կրթության այլընտրանքային, ծախսարդյունավետ մոդելների ներդրման մասին

2019 թ հունվարի 08-ից հունիսի 30-ը «Ծիածան» առաջնորդների կրթական կենտրոն ՀԿ-ն Կապան համայնքում իրականացրեց «Նախադպրոցական կրթության այլընտրանքային, ծախսարդյունավետ մոդելների ներդրում, մշտադիտարկում Կապան համայնքում» ծրագիրը:

Ծրագրի նպատակն էր նպաստել ՀՀ կառավարության ընդունած 2019-2021թթ.-ի պետական միջնաժամկետ ծախսերի ծրագրի իրականացման մասին որոշման ներդրմանը՝ իրականացնելով մոնիտորինգ Կապան համայնքում: Մոնիտորինգը նպաստեց նախադպրոցական կրթության այլընտրանքային, ծախսարդյունավետ մոդելների վերաբերյալ իրազեկվածության ապահովում ինչպես Կապան քաղաքում, այնպես էլ Կապան խոշորացված համայնքի բնակավայրերում, քանի որ Կապան խոշորացված համայնքի 31 գյուղական բնակավայրերից միայն 5-ում են գործում նախադպրոցական ուսումնական հաստատություններ: Սյուս գյուղական բնակավայրերում նախադպրոցական հասակի երեխաների համար հասանելի չէ որևէ նախադպրոցական կրթական ծառայություն:

Ծրագրի մեկնարկը տրվեց համաձայն Կապանի համայնքապետարանի հետ ձեռք բերված փոխհամաձայնության :

Ծրագրի շրջանակներում կազմակերպվեց այցելություններ և ուսումնասիրություններ Կապան քաղաքի 13 ՆՈՒՀ-երում և Կապան համայնքի Ճակատեն, Շիկահող ,Սրաշեն, Ծավ, Աճանան, Վերին Խոտանան, Նորաշենիկ, Վաչագան , Գեղանուշ, Վարդավանք գյուղերում: Ուսումնասիրությունների արդյունքում համագործակցելով Կապանի համայնքապետարանի հետ, հանդիպումների արդյունքում պարզեցինք այն գյուղական բնակավայրերը , որտեղ կարիք կա ներդնելու նախադպրոցական այլընտրանքային ծախսարդյունավետ մոդելներով գործող նախակրթարաններ՝ հաշվի առնելով տվյալ բնակավայրի հնարավորությունները: Ծրագրի շրջանակում, ուսումնասիրությունների ընթացքում պարզեցինք, որ նախադպրոցական կրթական ծառայությունները հասանելի և մատչելի են հիմնականում Կապան քաղաքում ապրող

երեխաների համար, իսկ այն երեխաները որոնք ընդգրկված չեն նախադպրոցական կրթական ծառայություններում՝ հերթագրված են որևէ նախակրթարանում և նրանք հիմնականում 0-2 տարեկան երեխաներ են: Իսկ այն երեխաները ովքեր ընդգրկված չեն նախադպրոցական հաստատություններում, գյուղերում ապրող երեխաներն են, և չեն օգտվում նախադպրոցական որևէ ծառայություններից՝ որով խախտվում է յուրաքանչյուր երեխայի համար հասանելի կրթական ծառայություն ստանալու իրավունքը:

Ուսումնասիրության արդյունքում պարզեցինք, որ նախադպրոցական հասակի հատուկ կարիք ունեցող երեխաների համար նախակրթարանների ֆիզիկական պայմանները անհամապատասխան են պայմանավորված գոյություն ունեցող նախակրթարանների հին շենքային պայմաններով:

Ծրագրի շրջանակում իրականացվեց ուսումնասիրությունը պարզեց Կապան քաղաքում, Կապանի խոշորացված համայնքի բնակավայրերում նախադպրոցական կրթության այլընտրանքային մոդելների ներդրման կարիքը, որի արդյունքում վերլուծվեցին գործողությամբ բացահայտված հնարավոր խնդիրները և ռիսկերը՝ սոցիոլոգիական հետազոտություններից և վերլուծություններից ստացված արդյունքներով:

Ծրագիրը կարևորում է 5-6 տարեկան երեխաների մանկապարտեզից դպրոց անցման հոգեբանական խնդիրը հաղթահարելու, դպրոցին հարմարվելու վարքի ձևավորման հարցը:

«Օրենքը, «ԵՐԵՒԱՅԻ ԻՐԱՎՈՒՆՔՆԵՐԻ ՄԱՍԻՆ» Հոդված 3. Երեխայի իրավունքները պաշտպանող մարմինները սահմանում է . « Երեխայի իրավունքների պաշտպանությունն իրականացնում են լիազորված պետական և տեղական ինքնակառավարման մարմինները: Պետությունը համապատասխան մարմինների միջոցով համագործակցում է երեխայի իրավունքների պաշտպանությանը նպաստող անձանց և հասարակական միավորումների հետ »:

Հանածայն վերը նշված դրույթի՝ օգտագործելով ծրագրի ընթացքում ձեռք բերված փորձն ու ռեսուրսները առաջարկում ենք Կապան համայնքի 2018-2023թթ. հնգամյա զարգացման ծրագրում ներառել նախադպրոցական կրթության այլընտրանքային, ծախսարդյունավետ մոդելների ներդրումը ըստ ստորև առանձնացված կետերի

1. Քարտեզագրում, երեխաների տվյալների բազայի պարբերաբար թարմացում/սեռ, տարիք, հատուկ կարիք/:
2. Էլեկտրոնային գրանցման համակարգի ներդրում, որը կնպաստի կոռուպցիոն ռիսկերի նվազացմանը:
3. Ձեռնարկել միջոցառումներ ապահովվելու համայնքի բոլոր երեխաների համար մատչելի նախադպրոցական կրթություն մտքիլ մանկապարտեզների ներդրման միջոցով:
4. Նախադպրոցական կրթության պարտադիր լինելուն ուղղված միջոցի ապահովում՝ /մտքիլ մանկապարտեզ/ աշխարհագրական դիրքից ելնելով տրանսպորտային ծախսի փոխհատուցում .այլընտրանքային մոդելների կիրառում /:
5. Յուրաքանչյուր նախակրթարանում հատուկ կարիքով երեխաների համար ստեղծել ֆիզիկական պայմաններ, ապահովել նեղ մասնագետներով /հատուկ մանկավարժ, լոգոպեդ, հոգեբան /:

6. Մասնագետների ընտրության չափանիշների հստակեցում և կրեդիտային համակարգի ներդրում:

Կապանի համայնքապետարանի հետ աշխատանքը արդյունավետ էր և հաջողված: «Ծիածան» առաջնորդների կրթական կենտրոն ՀԿ պատրաստակամ է հետայսու շարունակել համագործակցությունը ի նպաստ համայնքի զարգացման:

«Ծիածան» ԱԿԿ ՀԿ նախագահ

Սուսաննա Մարտիրոսյան

